

Inatsisartut suleriaasianni § 37 naapertorlugu matumuuna Naalakkersuisunut imaattunik apeqqu-teqaatinik saqqummiussivunga:

**Apeqqutit:**

- 1) Ukiumoortumik plastik-imik eqqussuinerput plastik-ip suussussaa sumullu atorpeqarnerseq – paasissutissanngorlugit Naalakkersuisunit pigineqarpat?
- 2) Puusianik plastik-imik sanaanik atuinitta aammalu plastik-imik atuinitta annikillisarnissaa eqqarsaatigalungu Naalakkersuisut arlaatigut pilersaaruteqarpat?
- 3) Plast-imik igitsisarnitta/eqqaaginnartarnitta annertussusaa eqqarsaatigalugu Naalakkersuisut arlaatigut pilersaaruteqarpat?
- 4) Plast-ip atorunnaariartornissaannut avatangiisitigut anguniakkami takussaasumik aalajangersaasoqarsimava, tassungalu taarsiullugu plast-imik pinngortitami nungusarnerqarsinnaasumik atuisoqassamaarpa imaluunniit plastimut taartaasinnaasumik arlaatigut atuisoqassamaarpa?
- 5) Angerlarsimaffinniit eqqakkat annertussusaat pillugit Naalakkersuisut qanoq paasissutissii-sinnaappat aammalu eqqakkat tungaatigut qanoq inerisaasoqarpa?
- 6) Pappiliat iginneqaannartartut annertussusaat eqqarsaatigalugit Naalakkersuisut qanoq paasititsiniaasinnaappat?
- 7) Nunatsinni pappiliatigut eqqaaneq aammalu ussassaarutitigut pappilianik atuinermi pappiliatigut eqqaanermi avatangiisinik mingutitsinerput qulaajarlugulu paasiniarneqarsimava, aamma ilanngullugu paasineqarusuppoq Naalakkersuisut avatangiisitigut pitsaaliuinermi takorluugaqarnerseq, soorlu ussassaarutit illunut tamanut agguataartakkat eqqarsaatigalugit ikilisaasoqarniarpa?
- 8) Naalakkersuisut suut Kalaallit Nunatsinni avatangiisitigut mingutitsinerpaatut isigivaat aammalu arlaatigut suliniuteqartoqarpa tamakkua millisarniarlugit?

(Inatsisartuni ilaasortaq Ineqi Kielsen, Siumut)

**Tungavilersuutit:**

Eqqakkat assigiinngitsorujussuupput aammalu pinngortitamut mingutitsissutaanerat allanngorarlu-ni. Qinikkat aammalu innuttat eqqakkanut alapernaalluarput minnerunngitsumik eqqakkanut pissu-serisatta avatangiisinullu sunniutigisinnaasai eqqarsaatigalugit aqutsinerput aammalu eqqakkanik peersitsisarnerput eqqarsaatigalugu.

Eqqakkanik passussinermi ilisarnaativut assigiinngitsut aamma takornariartitsinermi sakkortuumik sunniuteqarataarsinnaasoq nalunngereerparput, tassami nunarsuarmi takornariaqarnermut ussassa-rinitsinni Kalaallit Nunaat minguitsutut pinngortitaqartipparput aammalu avatangiisitigut peqqissuutittarlugu.

Pinngortitami plast-imik eqqaasarnerput immikkoortillugu sammisariaqarpoq ajornartorsiut avata-ngiisitigut isigalugu annertoqimmat. Nunarsuarmioqatigiinni uppernarsarneqareerpoq, plast-i imma-mut pisartog, aammalu plastip sananeqaataasa minnerusut pinngortitami pigaangamik naggataatigut nerisaqatigiinnut ilanngunneqartarput. Isumaqraruinnarpunga, piffissanngortoq nassuertigissallugu avatangiisitigut mingutitsinermi anguniakkatigut ersarissartariaqaleripput plast-ip pinngortitatsinnut mingutitsinera avatangiisitsinnullu ajoqutaanera takutillugulu sammisariaqaleripput.

Eqqaasarnermut pinngortitatigullu ajornartorsiutaasinnaasut isaannarmik ersiinnartut saniatigut aamma ataatsimut isigalugu angerlarsimaffinni eqqagassatigut isummersortariaqalernerput pisariaqalivippoq, tamatumani minnerunngitsumik nerisassanik eqqaaginnarnerput aammalu pappilianik atuinerput minnerunngitsumik ussassaarutinut tamakkualu avatangiisitsinnut sunniutai eqqartortariaqalerparput anguniagaqarfigalugillu.

Avannaamioqatigiinni Ministerit siunnersuisoqatigiiffiat eqqakkanut anguniakkanik immikkut sammisaqartoqarluarpoq aammalu Avannaani nerisassanik igitsiinnartarnerput sammineqarluni, taamaattoq paasissutissanik sanilliussinissaq eqqarsaatiginerullugu paasissutissat Nunatsinneersut amigaatigaakka, Nunattami avannaamioqatigiinni ilanngulluta eqqaasarnermut nalunaarsueqataa-sariaqarpoq aammalu eqqakkanik passussisarnerput nerisassanillu igitsiinnartarnerput ataatsimoo-runnerullugu paasissutissiissugineqartalernissaa eqqarsaatigalugu, tamatumani aamma eqqakkat atoqqinneqaqqissinnaasut paasissutissartai eqqarsaatigaakka.

Eqqaasarnermut ajornartorsiutivut aammalu unamminartortai eqqarsaatigalugit isumaqarpunga, eqqaasarnermut ajornartorsiutivut piuaannartitsinissaq siunertaralugu suli annerusumik ersersinniar-tariaqalerivut, minnerunngitsumik akisussaaffivut anguniakkattalu ersersilluarnissaat siunertari-nerullugit.

Apeqquteqaatima tiguneraniit ullut suliffiusut qulit ingerlanerani paasissutissiilluartumik siunissa-mullu takorluilluartumik akineqarsimanissara qilanaarivara.